

Piessignos de su sardu de mesania

2 Una diferéssia frimma tra log. /nuor. e camp. est sa essida de númenes e agetivos in **-e** in s'unu e in **-i** in s'àteru. In custu su sardu de mesania faghet *a sa logudoresa/nuoresa* e presentat unu vantazu seguru chi permitit a totu sos Sardos de lèzere bene sa voc. tónica de sa peràula candho est una /e/ o una /o/: est prus fàtzile a lèzere zustu “mènte, mònte” chi no “mènti, mònti”. Gai etotu in su plurale; fintzas sos nm. e agt. chi a su sing. essint in **-u** e faghet su pl. **-us** a sa camp. ma **-os** a sa log./nuor. los faghet che in log./nuor.: “bònos, òrtos” chi no “bònus, òrtus”.

3 Mentre chi tres desinéntzias verbales sunt guales in totu su sardu, sa 1[^] sing., 1[^] e 2[^] pl. podent cambiare e in su sardu de mesania faghent: sa 1[^] sing. sempre in **-o** a sa log./nuor. (e presentat su matessi vantazu de sas desin. de nm. e agt. candho sa tónica est una /e/ o una /o/ (as. “cònto” si narat menzus de “còntu”, “tèngio” menzus de “tèngiu”) e faghet sa 1[^] e 2[^] pl *a sa campidanesa*.

	pro-númenes de 3 [^] pers.	desinéntzias de nm. e agt.	desin. verbales	fonemas []	art. pl.
LOG./NUOR.	lu la los las li lis	-e (dente, mente, monte, ponte) -os (pl.) (contos, fossos, ortos)	1 [^] -o conto 2 [^] -as contas 3 [^] -at contat 1 [^] -amus contamus 2 [^] -ades contades 3 [^] -ant contant	/ch/ [k] /gh/ [ɣ]: chentu, chena, luche, lughe pache, paghe; /z/ [dz]: fizu, ozu, paza, anzone, azudu	sos sas
SRD de MES.	① dhu dha dhos dhas dhi dhis	② -e (dente, mente, monte, ponte) -os (pl.) (contos, fossos, ortos)	③ 1 [^] -o conto 2 [^] -as contas 3 [^] -at contat 1 [^] -aus contaus 2 [^] -ais contaais 3 [^] -ant contant	④ /ch/ [k] /gh/ [ɣ]: chentu, chena lughe, paghe; /g+i/ [dʒ]: figiu, ógiu, pàgia, angione, agiudu	⑤ is
CAMP.	dhu dha dhus dhas dhi dhis	-i (denti, menti, monti, ponti) -us (pl.) (contus, fossus, ortus)	1 [^] -u contu 2 [^] -as contas 3 [^] -at contat 1 [^] -aus contaus 2 [^] -ais contaais 3 [^] -ant contant	/c, c+i/ [tʃ]: centu, cena; /x/ [ʃ]: luxi, paxi; /ll/ [ll]: fillu, ollu, palla; angioni, agiudu	is

1 Su logudoresu/nuoresu at muntesu sos pronúmenes de 3[^] persone cumentu (*la, lu, las, los, li, lis*) cun su sonu longu de sa /l/ comente fint in latinu (benint de su ltn. **illa(m), illu(m), illas, illos, illi, illis**), cosa chi su campidanesu at cacuminalizadu (comente puru faghet normalmente totu su sardu (as. *bidha, vidha* <ltn *villa*)).

Su sardu de mesania narat custos pron. *a sa campidanesa* (cun sa var. **dhos** cufromma a su logudoresu **los**).

4 Una diferéssia frimma tra log./nuor. e camp. si agatat in sos sonos dentale africadu sonoru de s'unu e laterale alveolare longu in s'àteru **in variantes de una matessi peràula** (as. *fizu/fillu, ozu/ollu, paza/palla*): su sardu de mesania faghet sa variante sua in /g/ africada in totu custas peràulas e narat *fígiu, ógiu, pàgia*. Sa velare oclusiva surda de su nuoresu e sonora de su logudoresu (as. *pache/paghe, luche/lughe*), in sas matessi peràulas su sardu de mesania faghet su sonu sonoru e narat *paghe, lughe*, ue su campidanesu manizat sa var. cun sa fricativa alveopalatale sonora e narat *paxi, luxi*.

5 Una diferéssia frimma tra log./nuor. e camp. est s'artículu plurale, *sos* e *sas* in s'unu e *is* in s'àteru.

Su sardu de mesania manizat s'art. plurale *a sa campidanesa* e narat *is ómines, is montes, is benes, is campos, is ortos*.